

KOMENTAR: 'PROBOJ' NA SUDJENJU MILOSEVICU

Author: [Chris Stephen](#)

Jesu li tuzioci konacno dosli do neoborivih dokaza?

Sintagma "zadimljena cijev" (smoking gun) gotovo je postala opsesija vecine promatraca Milosevicevog sudjenja u Hagu.

U toj se metafori jasno ogledaju nedoumice pokrenute tim sudskim procesom.

Govoreci pravno, sudjenje se odvija u najboljem redu. Tuzioci su dobro obavili posao dokazivanja da su na Kosovu, u Bosni i u Hrvatskoj zlodjela cinjena sistematski, te da su formacije koje su ta zlodjela izvrsile bile pod Milosevicevom kontrolom.

To bi trebalo biti dovoljno za osudu: kao vodja zajednickog zlocinackog poduhvata, Milosevic je odgovoran za sve ono sto su ucinili njegovi potcinjeni, cak i nezavisno je li on osobno izdavao naredjenja na temelju kojih su cinjeni ratni zlocini.

Medjutim, ovakvim se zakljucivanjem - po misljenju mnogih - citav koncept sudjenja za ratne zlocine, koji su uspostavile Ujedinjeni narodi, dovodi u pitanje.

Brojni promatraoci - narocito sa srpske strane - smatraju da puko zlocinacko udruzivanje nije i dovoljna potvrda krivice.

Neki duznosnici Haskog suda neslužbeno tvrde da su im, zbog otklanjanja ove vrste kritike, zapravo neophodni neposredni dokazi o tome da je Milosevic izdavao naredjenja da se izvrse zlocini za koje ga se tereti.

Rasprava o "zadimljenoj cijevi" izaziva gnjev nekih tuzilaca, koji smatraju da se na taj nacin zanemaruje cinjenica da Milosevic - kao stvarni zapovjednik svih formacija - mora biti smatran odgovornim za ono sto su one ucinile.

Pa ipak, evidentan je sve veci pritisak da se dokazi o neposrednoj krivici ipak predoce.

No, sada se, napokon, cini da se upravo to - pod sasvim neocekivanim okolnostima - i dogodilo.

Sef jednog kazina tvrdio je tokom dvodnevnog ovojednog svjedocenja, da je slucajno prisustvovao tajnom sastanku kojim je predsjedavao Milosevic i koji se ticao etnickog ciscenja (vidi tekst u ovom izdanju Dnevnika Tribunala).

Koliku ce vaznost imati ovi dokazi, zavisi hoce li se u njih povjerovati. Milosevic je, naime, porekao ne samo da je bio na spomenutom sastanku, nego i da se u to vrijeme nalazio u istom gradu. Sud za sada, dakle, raspolaze s dva suprotna iskaza.

Ali, ukoliko suci poveruju u iskaz svjedoka, bit ce najzad uspostavljena izravna veza izmedju Milosevica i ratnih zlocina. A to bi znacilo da se, poslije 15 mjeseci sudjenja, zaista pojavila i "zadimljena cijev".

Chris Stephen je voditelj projekta IWPR-a u Hagu.

Location: Kosovo
Croatia
Bosnia and
Herzegovina

Source URL: <https://iwpr.net/sr/global-voices/komentar-proboj-na-sudjenju-milosevicu>